

ლანჩხუთის მუნიციპალიტეტის საკრებულოს ფრაქცია „ქართული ოცნება-დემოკრატიული საქართველო“

2800 ლანჩხუთი, კოსტავას 37 0 494 33 60 65

N 247

28/04/2016

ლანჩხუთის მუნიციპალიტეტის საკრებულოს
თავმჯდომარეს ბატონ გიორგი ხელაძეს

ბატონო გიორგი,


გაცნობებთ, რომ მიმდინარე წლის 25 აპრილს მოწვეულ იქნა ლანჩხუთის მუნიციპალიტეტის საკრებულოს ფრაქცია „ქართული ოცნება-დემოკრატიული საქართველოს“ სხდომა.

დანართი: სხდომის ოქმი №4 – 13 (ცამეტი) ფურცელი.

პატივისცემით,

კახა ურუშაძე

ფრაქციის თავმჯდომარე



ფრაქცია "ქართული ოცნება-დემოკრატიული საქართველო"

ლანჩხუთის მუნიციპალიტეტის საკრებულოს
ფრაქცია „ქართული ოცნება-დემოკრატიული საქართველოს“
სხდომის ოქმი №4

ქ.ლანჩხუთი

25. 04. 2016 წელი

სხდომას ესწრებოდა: ფრაქცია „ქართული ოცნება-დემოკრატიული საქართველოს“ თავმჯდომარე კახა ურუშაძე.

ფრაქციის წევრები: გიორგი ხელაძე, ია ჩხაიძე, თეიმურაზ ალექსაია, დავით ჩხარტიშვილი, გურამ კერესელიძე, ელენე ნაჭყებია, ალექსანდრე სარიშვილი, ბესიკ ტაბიძე, თეიმურაზ მარშანიშვილი.

მოწვეული პირი: გამგეობის ქონების მართვის, ეკონომიკისა და სოფლის მეურნეობის განვითარების სამსახურის უფროსი გიორგი ფაცურია, გამგეობის საფინანსო-საბიუჯეტო და მუნიციპალური შესყიდვების სამსახურის უფროსი როლანდ ლაშხია, ლანჩხუთის მუნიციპალიტეტის გამგებელი ზაზა ურუშაძე.

ფრაქციის თავმჯდომარემ, კახა ურუშაძემ სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის 2016 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2015 წლის 29 დეკემბრის N47 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვის შესახებ.

/მომხსენებელი კახა ურუშაძე/

2. „ლანჩხუთის მუნიციპალიტეტის საკუთრებაში არსებული უძრავი ქონების ა(ა)იპ „სკოლამდელი საგანმანათლებლო-სააღმზრდელო ცენტრისათვის“ პირდაპირი განკარგვის წესით სარგებლობის უფლებით უსასყიდლოდ გადაცემაზე გამგებლისათვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის შესახებ.

/მომხსენებელი კახა ურუშაძე/

3. „ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩხუთის მუნიციპალიტეტის საკრებულოს 2016 წლის 27 იანვრის N8 განკარგულებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვის შესახებ.

/მომხსენებელი კახა ურუშაძე/

4. „ლანჩხუთის მუნიციპალიტეტის საკუთრებაში არსებული უძრავი ქონების ა(ა)იპ „ლანჩხუთის მუნიციპალიტეტის სპორტული ცენტრისათვის“ პირდაპირი განკარგვის წესით სარგებლობის უფლებით უსასყიდლოდ გადაცემაზე გამგებლისათვის თანხმობის მიცემის შესახებ“

/მომხსენებელი კახა ურუშაძე/

5. „ლანჩხუთის მუნიციპალიტეტის საკუთრებაში არსებული უძრავი ქონების ა(ა)იპ „ლანჩხუთის მუნიციპალიტეტის საფეხბურთო სკოლისათვის“ პირდაპირი განკარგვის წესით სარგებლობის უფლებით უსასყიდლოდ გადაცემაზე გამგებლისათვის თანხმობის მიცემის შესახებ“

/მომხსენებელი კახა ურუშაძე/

6. ლანჩხუთის მუნიციპალიტეტის 2015 წლის ბიუჯეტის შესრულების შესახებ ანგარიში და ფინანსური ანგარიშის აუდიტორული შემოწმების აქტის განხილვა.

/მომხსენებელი კახა ურუშაძე/

7. სხვადასხვა

ფრაქციის თავმჯდომარემ კახა ურუშაძემ კენჭი უყარა დღის წესრიგის პროექტს:

მომხრე , წინააღმდეგი არცერთი.

დღის წესრიგის პირველ საკითხზე „ლანჩხუთის მუნიციპალიტეტის 2016 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2015 წლის 29 დეკემბრის N47 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო ფრაქციის თავმჯდომარემ კახა ურუშაძემ და განმარტება სთხოვა გამგეობის საფინანსო-საბიუჯეტო და მუნიციპალური შესყიდვების სამსახურის უფროსს როლანდ ლაშხიას. მან აღნიშნა რომ საქართველოს მთავრობის 2015 წლის 29 ივნისის N1381 განკარგულებით, სტიქიის შედეგების სალიკვიდაციო ღონისძიებების განხორციელების თაობაზე გაფორმებული მრავალწლიანი პროექტების ხელშეკრულების თანახმად 2015 წელს შესრულებული სამუშაოების ღირებულების 5%-ს დაკავებული იქნა საგარანტიო თანხა 93539 ლარი და 50 თეთრი სამუშაოების დასრულებამდე, კერძოდ: აკეთის ადმინისტრაციულ ერთეულში მდინარე სუფსაზე ნაპირსამაგრის მოწყობის სამუშაოებზე 54053 ლარი, აცანის ადმინისტრაციული ერთეულში შენობის უკანა მხარეს დამეწყობილი მონაკვეთისა და ამ მონაკვეთზე არსებული საბავშვო ბაღთან მისასვლელი გზის რეაბილიტაციაზე 39480,50 ლარი. ვინაიდან სამუშაოები სრულდება მიმდინარე წელს დაკავებული თანხა უნდა მიიმართოს 2016 წლის ბიუჯეტში ხარჯვით ნაწილში 1 იანვრის მდგომარეობით არსებული ნაშთის ხარჯზე.

საქართველოს ფეხბურთის განვითარების ფონდის წერილის თანახმად ა(ა)იპ გოგონათა ექსპერიმენტალური სარაგბო-საფეხბურთო და ა(ა)იპ საფეხბურთო სკოლის დაფინანსებები განხორციელდება არა ქართული ფეხბურთის განვითარების ფონდის მიერ არამედ ისევ ლანჩხუთის

მუნიციპალიტეტის მიერ. შპს „ლანჩუთს“ შეუმცირდეს დაფინანსება 100 ათასი ლარით და შემცირების ხარჯზე გაიზარდოს ა(ა)იპ საფეხბურთო კლუბი „ლანჩუთის გურიას“ დაფინანსება ძველი დავალიანებების დასაფარავად 100 ათასი ლარით.

სოციალურ საკითხთა, განათლების, კულტურის და ახალგაზრდულ საქმეთა კომისიის თავმჯდომარემ ია ჩხაიძემ დაინტერესდა საფეხბურთო კლუბი „ლანჩუთის გურია“ მოხდება გაყიდვის ან სპონსორის გამოჩენის შემთხვევაში მოხდება თუ არა მუნიციპალიტეტის საკუთრებაში არსებული საფეხბურთო ბაზის გაყიდვა ან გასხვისება კლუბთან ერთად. რაზეც ფრაქციის თავმჯდომარემ კახა ურუშაძემ კახა ურუშაძემ განმარტა საფეხბურთო ბაზის გაყიდვა ან გასხვისება არ იგეგმება ასევე იგი დაინტერესდა შპს „ლანჩუთის“ საქმიანობით რომელიც, სამართალმემკვიდრეა ლიკვიდირებული შპს „გურია 2000“-ის და იგი დაინტერესდა აიღებს თუ არა იგი იმ ვალდებულებებს რომელიც ჰქონდა „გურია 2000“-ს. აღნიშნულ კითხვას პასუხი გასცა **გამგეობის საფინანსო-საბიუჯეტო და მუნიციპალური შესყიდვების სამსახურის უფროსმა როლანდ ლაშხიამ**, რომელმაც აღნიშნა რომ გარკვეული საკითხები აღნიშნულ შპს თან დაკავშირებით იურისტებთან შესათანხმებელია.

საფინანსო-საბიუჯეტო კომისიის თავმჯდომარე ალექსანდრე სარიშვილი დაინტერესდა თუ რამდენს იხდის დაახლოებით კლუბი თვეში ბანკის დავალიანების პროცენტს, ასევე იმით რომ გამოყოფილი თანხით ბანკის ვალების გასტუმრებაა თუ კერძო პირების დავალიანების დაფარვაა პრიორიტეტული, რადგან ამ პირების სარჩელი შემთხვევაში კლუბს შეექმნება ლიცენზირების პრობლემა. რაზეც **როლანდ ლაშხიამ** განმარტა რომ კლუბის დავალიანება 45 ათასი იყო მაგრამ დღესდღეობით 60 ათასამდეა გაზრდილი. თვეში პროცენტი დაახლოებით 1500 ლარამდე. და რაც შეეხება ვალების დაფარვას შეიძლება მუნიციპალიტეტმა ჩადოს შეთანხმება რომ პირველ რიგში ვალების გასტუმრება მოხდეს. სულ კლუბის დავალიანება 400 ათას ლარამდე არის.

სოციალურ საკითხთა, განათლების, კულტურის და ახალგაზრდულ საქმეთა კომისიის თავმჯდომარემ ია ჩხაიძემ დასვა სამუშაო ჯგუფის შექმნის საკითხი, რომელიც დაკომპლექტდება პროფესიონალებით და ფეხბურთის მოყვარულებით და რათა მოხდეს კლუბ „ლანჩუთის გურიას“ წინაშე დასმული ყველა პრობლემატური საკითხის გადაჭრა, ვინაიდან კლუბს ისევ აქვს დავალიანებები, რომელსაც ვერ იხდის, ასევე იგი გამოეხმაურა ფრაქცია „ქართული ოცნება-მრეწველების“ განცხადებას გუნდის აკადემიური წლის აღებასთან დაკავშირებით და ინიციატივას ბავშვთა ფეხბურთის განვითარების თაობაზე. დეპუტატი მიესალმება აღნიშნულ ინიციატივას ფეხბურთის აკადემიის ჩამოყალიბებასთან დაკავშირებით, რომელიც ხელს შეუწყობს ბავშვთა ფეხბურთის განვითარებას.

ფრაქციის თავმჯდომარემ კახა ურუშაძემ აღნიშნა რომ უმჯობესი იქნება კერძო პირების დავალიანების დაფარვა, რათა თავიდან იქნეს აცილებული ამ პირების საჩივრები და შემდგომი გართულებები.

ფრაქციამ მიიღო გადაწყვეტილება:
განკარგულების პროექტი ფრაქციის წევრების მიერ მიღებულ იქნა შენიშვნების გარეშე.
ფრაქციის თავმჯდომარემ კახა ურუშაძემ კენჭი უყარა განკარგულების პროექტს:
მომხრე, წინააღმდეგი არცერთი.

დღის წესიგის მეორე საკითხზე „ლანჩხუთის მუნიციპალიტეტის საკუთრებაში არსებული უძრავი ქონების ა(ა)იპ „სკოლამდელი საგანმანათლებლო-სააღმზრდელო ცენტრისათვის“ პირდაპირი განკარგვის წესით სარგებლობის უფლებით უსასყიდლოდ გადაცემაზე გამგებლისათვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო ფრაქციის თავმჯდომარემ კახა ურუშაძე და გამგეობის ქონების მართვის, ეკონომიკისა და სოფლის მეურნეობის განვითარების სამსახურის უფროსს გიორგი ფაცურიას სთხოვა განმარტება გაეკეთებინა აღნიშნულ საკითხზე. გამგეობის ქონების მართვის, ეკონომიკისა და სოფლის მეურნეობის განვითარების სამსახურის უფროსმა გიორგი ფაცურიამ განმარტა რომ, ლანჩხუთის მუნიციპალიტეტის საკუთრებაში არსებული ექვსი უძრავი ქონება უზუფრუქტის უფლებით სარგებლობაში უნდა გადაეცეს ა(ა)იპ „ლანჩხუთის სკოლამდელი საგანმანათლებლო-სააღმზრდელო ცენტრს“ (ს/ნ 233732565),

ესენია :

1) ლანჩხუთის მუნიციპალიტეტის სოფელ ღრმაღელეში (წყალწმინდა) მდებარე 600 კვ.მ. არასასოფლო-სამეურნეო დანიშნულების მიწის ნაკვეთი და მასზე განთავსებული 413.5 კვ.მ. შენობა-ნაგებობა N 1 და 9 კვ.მ. შენობა-ნაგებობა N 2 (მიწის (უძრავი ქონების) ს/კ : 27.16.50.271).

2) ლანჩხუთის მუნიციპალიტეტის სოფელ ჯურუყვეთში მდებარე 2807 კვ.მ. არასასოფლო-სამეურნეო დანიშნულების მიწის ნაკვეთი და მასზე განთავსებული 413.5 კვ.მ. შენობა-ნაგებობა N 1 და 9 კვ.მ. შენობა-ნაგებობა N 2 (მიწის (უძრავი ქონების) ს/კ : 27.11.45.083).

3) ლანჩხუთის მუნიციპალიტეტის სოფელ მამათში მდებარე 923.8 კვ.მ. N 1 შენობა-ნაგებობის პირველი სართულის 15.6 კვ.მ. - ფართი N 10, 18.4 კვ.მ. - ფართი N 11, 5 კვ.მ. - ფართი N 12, 33.6 კვ.მ. - ფართი N 13, 17.5 კვ.მ. - ფართი N 14, 13.8 კვ.მ. - ფართი N 15, 27.8 კვ.მ. - ფართი N 16, 24.9 კვ.მ. - ფართი N 17 და 24.9 კვ.მ. - ფართი N 18 (ჯამში 189 კვ.მ. ფართი) მათზედ წილობრივად დამაგრებულ არასასოფლო-სამეურნეო დანიშნულების მიწის ნაკვეთთან ერთად (მიწის (უძრავი ქონების) ს/კ 27.01.42.015)

4) ლანჩხუთის მუნიციპალიტეტის სოფელ ნიგვზიანში მდებარე 2715 კვ.მ. არასასოფლო-სამეურნეო დანიშნულების მიწის ნაკვეთი და მასზე განთავსებული 415.13 კვ.მ. შენობა-ნაგებობა (მიწის (უძრავი ქონების) ს/კ : 27.14.48.020).

5) ლანჩხუთის მუნიციპალიტეტის სოფელ ნინოშვილში მდებარე 756.1 კვ.მ. N 1 შენობა-ნაგებობის პირველი სართულის 62.5 კვ.მ. - ფართი N 8, 33.4 კვ.მ. - ფართი N 9, 61.5 კვ.მ. - ფართი N 10, 17.2 კვ.მ. - ფართი N 11, 7.9 კვ.მ. - ფართი N 12, 25.5 ფართი N 13 (ჯამში 208 კვ.მ. ფართი) მათზედ წილობრივად დამაგრებულ არასასოფლო-სამეურნეო დანიშნულების მიწის ნაკვეთთან ერთად (მიწის (უძრავი ქონების) ს/კ 27.12.41.004)

6) ლანჩხუთის მუნიციპალიტეტის ნიგოთის ადმინისტრაციული ერთეულის, სოფელ ჭყონაგორაში მდებარე ლანჩხუთის მუნიციპალიტეტის საკუთრებაში არსებული უძრავი ქონება (მიწის (უძრავი ქონების) ს/კ 27.04.51.050) ამჟამად ზემოთ აღნიშნულ შენობაში ფუნქციონირებს საბავშვი ბაღი.

ყოველივე ზემოთ აღნიშნულიდან გამომდინარე უზუფრუქტის ხელშეკრულებების გასაფორმებლად საჭიროა ლანჩხუთის მუნიციპალიტეტის გამგებლის შესაბამისი ბრძანება და ლანჩხუთის მუნიციპალიტეტის საკრებულოს განკარგულება.

ფრაქციის თავმჯდომარე კახა ურუშაძე დაინტერესდა არსებული ქონებები არის თუ არა მუნიციპალიტეტის საკუთრებაში რაზეც გამგეობის ქონების მართვის, ეკონომიკისა და სოფლის მეურნეობის განვითარების სამსახურის უფროსმა გიორგი ფაცურიამ განმარტა რომ ყველა აღნიშნული

ფართი არის მუნიციპალიტეტის საკუთრება და დარეგისტრირებულია საჯარო რეესტრში, მხოლოდ ნიგვზიანის არასასოფლო სამეურნეო მიწა და მასზე არსებული ფართი იყო ეკონომიკის სამინისტროს ბალანსზე და გადმოცემულ იქნა მუნიციპალიტეტის საკუთრებაში.

ფრაქციამ მიიღო გადაწყვეტილება:

განკარგულების პროექტი ფრაქციის წევრების მიერ მიღებულ იქნა შენიშვნების გარეშე.

ფრაქციის თავმჯდომარემ კახა ურუშაძემ კენჭი უყარა განკარგულების პროექტს:

მომხრე 10 ,წინააღმდეგი არცერთი.

დღის წესრიგის მესამე საკითხზე „ლანჩუთის მუნიციპალიტეტის ქონების საპრივატიზაციო ობიექტების ნუსხისა და ლანჩუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩუთის მუნიციპალიტეტის საკრებულოს 2016 წლის 27 იანვრის N8 განკარგულებაში ცვლილების შეტანის თაობაზე“ ლანჩუთის მუნიციპალიტეტის საკრებულოს განკარგულების პროექტი სხდომას გააცნო გამგეობის ქონების მართვის,ეკონომიკისა და სოფლის მეურნეობის განვითარების სამსახურის უფროსმა გიორგი ფაცურიამ მან აღნიშნა, რომ ლანჩუთის მუნიციპალიტეტის საკრებულოს მიმდინარე წლის 5 აპრილის N148 წერილით დაევალა ლანჩუთის მუნიციპალიტეტის ქონების საპრივატიზაციო ობიექტების ნუსხიდან და გეგმიდან ქ. ლანჩუთში, კვირკველის ქ. N16- ში მრავალსართულიან სახლში მცხოვრებთა და პირველ სართულზე განთავსებულ კლინიკა „ჯანმრთელობის“ მფლობელთა განცხადების საფუძველზე ამოღებულ იქნას ქ. ლანჩუთში კვირკველიას ქ. N16-ში მდებარე მუნიციპალიტეტის საკუთრებაში არსებული 103 და 202 კვ.მ მიწის ნაკვეთები, რათა ხსენებული ტერიტორია შემდგომში გამოყენებულ იქნას სკვერის მოსაწყობად.

ფრაქციის თავმჯდომარე კახა ურუშაძე დაინტერესდა თუ რატომ შეფერხდა სასტუმროს შენობში არსებული ოთახების და ყოფილი სოფტექნიკის ფართის გაყიდვის პროცესი,რაზეც გამგეობის ქონების მართვის,ეკონომიკისა და სოფლის მეურნეობის განვითარების სამსახურის უფროსმა გიორგი ფაცურიამ განმარტა რომ გაყიდვის პროცესი არ შეჩერებულა.მიმდინარე წლის 1 მაისს ელექტრონული აუქციონზე 1 მაისისთვის 250 ლარის გადახდის შემდეგ და შესაძლებელი იქნება ყველა იმ ფართის გატანა აუქციონზე ერთი თვის განმავლობაში,რომელიც არის საპრივატიზაციო ნუსხაში და პირველ რიგში ამ ორი ფართის.

ფრაქციამ მიიღო გადაწყვეტილება:

განკარგულების პროექტი ფრაქციის წევრების მიერ მიღებულ იქნა შენიშვნების გარეშე.

ფრაქციის თავმჯდომარემ კახა ურუშაძემ კენჭი უყარა განკარგულების პროექტს:

მომხრე 10 ,წინააღმდეგი არცერთი.

დღის წესრიგის მეოთხე საკითხზე „ლანჩუთის მუნიციპალიტეტის საკუთრებაში არსებული უძრავი ქონების ა(ა)იპ „ლანჩუთის მუნიციპალიტეტის სპორტული ცენტრისათვის“ პირდაპირი განკარგვის წესით სარგებლობის უფლებით უსასყიდლოდ გადაცემაზე გამგებლისათვის თანხმობის მიცემის შესახებ“განკარგულების პროექტი სხდომას გააცნო გამგეობის ქონების მართვის,ეკონომიკისა და სოფლის მეურნეობის განვითარების სამსახურის უფროსმა გიორგი ფაცურიამ მან აღნიშნა რომ საქართველოს მთავრობის 2014 წლის 8 დეკემბრის დადგენილების 22-ე მუხლის მე-2 და მე-5 პუნქტების თანახმად

მუნიციპალიტეტის ქონების სარგებლობის უფლებით გადაცემის შესახებ გადაწყვეტილებას იღებს მუნიციპალიტეტის აღმასრულებელი ორგანო, მუნიციპალიტეტის საკრებულოს თანხმობით. ლანჩხუთის მუნიციპალიტეტის გვიმბალაურის ადმინისტრაციული ერთეულის, სოფელ გვიმბალაურში მდებარე ლანჩხუთის მუნიციპალიტეტის საკუთრებაში არსებული უძრავი ქონება (მიწის (უძრავი ქონების) ს/კ 27.08.47.030) ზემოთ აღნიშნული უძრავი ქონებიდან N2 შენობა-ნაგებობა ესაჭიროება ა(ა)იპ ლანჩხუთის მუნიციპალიტეტის „სპორტულ ცენტრს“ (ს/კ 433 642 178) თავისი უფლებამოსილების განსახორციელებლად. ყოველივე ზემოთქმულიდან გამომდინარე საჭიროა ა(ა)იპ ლანჩხუთის მუნიციპალიტეტის „სპორტულ ცენტრთან“ გაფორმდეს უსასყიდლო უზუფრუქტის ხელშეკრულება.

ფრაქციამ მიიღო გადაწყვეტილება:

განკარგულების პროექტი ფრაქციის წევრების მიერ მიღებულ იქნა შენიშვნების გარეშე

ფრაქციის თავმჯდომარემ, კახა ურუშაძემ კენჭი უყარა განკარგულების პროექტს:

მომხრე 10,წინააღმდეგი არცერთი

დღის წესრიგის მეხუთე საკითხზე „ლანჩხუთის მუნიციპალიტეტის საკუთრებაში არსებული უძრავი ქონების ა(ა)იპ „ლანჩხუთის მუნიციპალიტეტის საფეხბურთო სკოლისათვის“ პირდაპირი განკარგვის წესით სარგებლობის უფლებით უსასყიდლოდ გადაცემაზე გამგებლისათვის თანხმობის მიცემის შესახებ“განკარგულების პროექტი სხდომას გააცნო ფრაქციის თავმჯდომარემ კახა ურუშაძემ და განმარტება სთხოვა გამგეობის ქონების მართვის,ეკონომიკისა და სოფლის მეურნეობის განვითარების სამსახურის უფროსს გიორგი ფაცურას,მან აღნიშნა რომ,ლანჩხუთის მუნიციპალიტეტის საკუთრებაში არსებული, ლანჩხუთის მუნიციპალიტეტის სოფელ გვიმბალაურში მდებარე უძრავი ქონებიდან (ს/კ27.08.47.030) 1324.28 კვ.მ. შენობა-ნაგებობა N 1-ის მეორე სართულის 18.6 კვ.მ.- ფართი N1, 54.6 კვ.მ. - ფართი N 2 და 18.6 კვ.მ. - ფართი N 3 (ჯამში 91.8 კვ.მ. ფართი) უზუფრუქტის უფლებით სარგებლობაში უნდა გადაეცეს ა(ა)იპ „ლანჩხუთის მუნიციპალიტეტის საფეხბურთო სკოლას“ (ს/ნ433642203).

ყოველივე ზემოთ აღნიშნულიდან გამომდინარე მითითებულ ფართზე უზუფრუქტის ხელშეკრულების გასაფორმებლად საჭიროა ლანჩხუთის მუნიციპალიტეტის გამგებლის შესაბამისი ბრძანება და ლანჩხუთის მუნიციპალიტეტის საკრებულოს განკარგულება.

ფრაქციამ მიიღო გადაწყვეტილება:

განკარგულების პროექტი ფრაქციის წევრების მიერ მიღებულ იქნა შენიშვნების გარეშე

ფრაქციის თავმჯდომარემ, კახა ურუშაძემ კენჭი უყარა განკარგულების პროექტს:

მომხრე 10,წინააღმდეგი არცერთი

დღის წესრიგის მეექვსე საკითხზე„ლანჩხუთის მუნიციპალიტეტის 2015 წლის ბიუჯეტის შესრულების ანგარიში“ სხდომას გააცნო გამგეობის საფინანსო-საბიუჯეტო და მუნიციპალური შესყიდვების სამსახურის უფროსმა როლანდ ლაშხიამ მან განმარტა რომ ლანჩხუთის მუნიციპალიტეტის ბიუჯეტში 2015 წელს მობილიზებულია სულ შემოსავლები საგადასახადო, არასაგადასახადო და არაფინანსური აქტივების კლებიდან 2384.4 ათ. ლარი ანუ გეგმა შესრულებულია 102.4%-ით, მათ შორის საგადასახადო შემოსავლების გეგმა შესრულებულია 137.4%-ით, აქედან საწარმოთა ქონების გადასახადის საკასო შესრულებამ შეადგინა 296.2 ათ. ლარი /103.9%/; ფიზიკურ პირთა ქონების გადასახადმა შეადგინა 14.2 ათ.

ლარი /142.5%/; სასოფლო სამეურნეო დანიშნულების მიწაზე გადასახადის საკასო შესრულება შეადგენს 139.4 ათ. ლარი /232.3%/; არასასოფლო სამეურნეო დანიშნულების მიწის 779.9 ათ. ლარს /144.4%/; არასაგადასახადო შემოსავლების საკასო შესრულება შეადგენს 1042.4 ათ. ლარს და გეგმა 89.7%-ით არის შესრულებული; აქედან ბუნებრივი რესურსების სარგებლობიდან მიღებულია 98.1 ათ. ლარი, გეგმა შესრულებულია 33.5%-ით; შემოსავალმა მიწის იჯარიდან და მართვაში (უზურფრუქტი, ქირავნობა და სხვა) გადაცემიდან შეადგინა 3,2 ათ. ლარი /32,1%-ით/; სანებართვო მოსაკრებლიდან მიღებულია 9,1 ათ. ლარი, გეგმა შესრულებულია 182,4%-ით; სათამაშო ბიზნესის მოსაკრებელი 34.5 ათ. ლარი, გეგმა შესრულებულია 49.3%-ით; მოსაკრებელი დასახლებული ტერიტორიის დასუფთავებიდან მიღებულია 2.1 ათ. ლარი, გეგმა შესრულებულია 21.2%-ით; არასაბაზრო წესით გაყიდული საქონელი და მომსახურებიდან მიღებულია 36,5 ათ. ლარი, გეგმა შესრულებულია 202,7%-ით ჯარიმები, საქნციები და საურავებიდან მიღებულია 840,2 ათ. ლარი, გეგმა შესრულებულია 111,1%-ით; შერეული და სხვა არაკლასიფიცირებული შემოსავლებიდან მიღებულია 18,1 ათ. ლარი, არაფინანსური აქტივების კლებიდან მიღებულია 112,2 ათ. ლარი, შესრულებულია 41,4%-ით; სახელმწიფო ბიუჯეტიდან მუნიციპალიტეტის ბიუჯეტის ფინანსური დახმარების სახით მიღებული აქვს 14657,5 ათ. ლარი ანუ გეგმის 99,8% აქედან გათანაბრებითი ტრანსფერი 5881,1 ათ. ლარი, მიზნობრივი ტრანსფერი 220,0 ათ. ლარი, საქართველოს რეგიონებში განსახორციელებელი პროექტების ფონდიდან მიღებულია 3897,6 ათ. ლარი, სოფლის მხარდაჭერის პროგრამიდან 817,5 ათ. ლარი, სტიქიის შედეგად მიყენებული ზარალის სალიკვიდაციოდ 3641,3 ათ. ლარი, მთავრობის სარეზერვო ფონდიდან მიღებულია 200,0 ათ. ლარი.

სულ მუნიციპალიტეტის ბიუჯეტში შემოსულობების სახით საფინანსო წლის განმავლობაში მიღებულია 17041,9 ათ. ლარი ანუ გეგმის 100,2%-ი. საფინანსო წლის დასაწყისში მუნიციპალიტეტის ბიუჯეტს ერიცხებოდა 2463,4 ათ. ლარი, რომელიც მიიმართა ვალდებულების დასაფინანსებლად.

ლანჩხუთის მუნიციპალიტეტის 2015 წლის ბიუჯეტი დამტკიცდა 2014 წლის 25 დეკემბერს N46 დადგენილებით 7960100 ლარის ოდენობით, განხორციელდა ცვლილება 2015 წლის 30 იანვრის N3 დადგენილებით, გაიზარდა ბიუჯეტი 2310120 ლარით და განისაზღვრა 10270220 ლარის ოდენობით, 2015 წლის 27 თებერვლის N12 დადგენილებით შევიდა ცვლილება და დაემატა 244020 ლარი და განისაზღვრა 10514240 ლარით, 2015 წლის 30 აპრილს N19 დადგენილებით განხორციელდა ცვლილება და გაიზარდა ბიუჯეტი 897447 ლარით და განისაზღვრა 11411717 ლარით, 2015 წლის 29 მაისის N24 დადგენილებით გაიზარდა ბიუჯეტი 2740569 ლარით და განისაზღვრა 14152186 ლარით, 2015 წლის 10 ივლისის N29 დადგენილებით გაიზარდა ბიუჯეტი 4090290 ლარით და განისაზღვრა 18242476 ლარით, 2015 წლის 25 სექტემბერის N39 დადგენილებით შემცირდა ბიუჯეტი 32060 ლარით და განისაზღვრა 18210416 ლარით, 2015 წლის 27 ნოემბრის N29 დადგენილებით გაიზარდა ბიუჯეტი 889036 ლარით და განისაზღვრა 19099452 ლარით, 2015 წლის 29 დეკემბრის N46 დადგენილებით გაიზარდა ბიუჯეტი 309536 ლარით და განისაზღვრა 19408988 ლარით. სულ საფინანსო წლის პერიოდში ბიუჯეტში შეტანილი ცვლილებების შედეგად როგორც შემოსავალი, ისე ხარჯვითი ნაწილი გაიზარდა 11448958 ლარით.

მუნიციპალიტეტის ბიუჯეტიდან გაწეული იქნა 19110.0 ათ. ლარის ხარჯი; მათ შორის შრომის ანაზღაურებაზე მიმართულია 1534.1 ათ. ლარი, ბიუჯეტით გაწეული ხარჯების 8.0%-ი, გაწეული მიმდინარე ხარჯების 17,7%-ია, შტატგარეშე მოსამსახურეთა შრომის ანაზღაურებაზე 130.8 ათ. ლარი გაწეული ხარჯის 0.7%-ი, მივლინების ხარჯების დაფინანსებაზე 5.3 ათ. ლარი, ოფისის ხარჯების დაფინანსებაზე 246.1 ათ. ლარი, /ხარჯის 1.3%-ის/, წარმომადგენლობითი ხარჯების დაფინანსებაზე 14.9 ათ. ლარი, ტრანსპორტის

მოვლა შენახვის ხარჯებზე 143.6 ათ.ლარი /ხარჯის 0.8%-ი/, სხვა საქონელი და მომსახურების ხარჯებზე 246.3 ათ.ლარი /ხარჯის 1.3%-ი/, არაფინანსური აქტივების ხარჯვაზე მიიმართა 10461.4 ათ.ლარი /ხარჯის 54.7%-ი/, სუფსიდირების წესით დაფინანსებაზე მიიმართა 5658.5 ათ.ლარი /ხარჯის 29.6%-ი/, საზოგადოებრივი ჯანდაცვისა და სოციალური პროგრამის დაფინანსებაზე მიიმართა 318.2 ათ.ლარი /ხარჯები 1.7%-ი/, სხვა ხარჯების მუხლით გაწერილია 45.0 ათ. ლარი /ხარჯები 0.2%-ი/, მუნიციპალიტეტის საკრებულოს ფუნქციონირებისათვის გაწეული იქნა 662.6 ათ.ლარის ხარჯი ანუ ბიუჯეტით გაწეული ხარჯის 3.5%-ი, მუნიციპალიტეტის გამგეობის ფუნქციონირებისათვის გაწეული იქნა 1426.4 ათ. ლარი ბიუჯეტის ხარჯების 7.5%-ი, სახანძრო დაცვის სამსახურის დაფინანსებაზე გაიხარჯა 311.5 ათ. ლარი ხარჯების 1.6%-ი, სამხედრო აღრიცხვისა და გაწვევის სამსახურის დაფინანსებაზე მიიმართა 116.2 ათ. ლარი ხარჯების 0.6%-ი, ქალაქის ტერიტორიაზე მუნიციპალური შენობა ნაგებობებში დახარჯული წლის გადასახადი შეადგენს 0,8 ათ. ლარს, გარე განათების მოვლის ღონისძიებაზე მიიმართა 204.5 ათ. ლარი ხარჯების 1,1%, დასუფთავების და ნარჩენების გატანაზე მიიმართა 492.0 ათ. ლარი ხარჯების 2.6%, გარე განათებაზე გახარჯული ელექტრო ენერჯის ხარჯზე მიიმართა 125.9 ათ. ლარი ხარჯების 0,7%- ი, სოც. კულტურული ღონისძიებების დაფინანსებაზე მიიმართა 46.9 ათ. ლარი ხარჯების 0,2%-ი, რელიგიის მხარდაჭერის პროგრამაზე მიიმართა 55.0 ათ. ლარი ხარჯების 0,3%-ი, ა(ა)იპ საგარეო-ეკონომიკური კავშირთა დეპარტამენტის, ინვესტიციების, ტრანსპორტის, ტურიზმის და მეწარმეობის განვითარების ცენტრის შენახვაზე გახარჯულია 153.4 ათ. ლარი ხარჯების 0,8%-ი, ა(ა)იპ სკოლამდელი საგანმანათლებლო სააღმზრდელო ცენტრი დაფინანსდა 1549.9 ათ. ლარი ხარჯების 8.1%-ი, ა(ა)იპ ლანჩხუთის სპორტული ცენტრის დაფინანსებაზე 374.5 ათ. ლარით ხარჯების 2,0%-ი, ა(ა)იპ მუნიციპალური საფეხბურთო კლუბი გურიას დაფინანსება 1510.0 ათ. ლარია ხარჯების 7.9%-ი, ა(ა)იპ ლანჩხუთის ბავშვთა საფეხბურთო სკოლის დაფინანსება 134.0 ათ. ლარი შეადგინა ხარჯების 0.7%-ი, ა(ა)იპ ლანჩხუთის მუნიციპალიტეტის გოგონათა ექსპერიმენტალური სარაგბო საფეხბურთო სკოლის დაფინანსება 61,0 ათ. ლარი ხარჯების 0,3%-ი, ა(ა)იპ ლანჩხუთის მუნიციპალიტეტის კულტურის დაწესებულებათა გაერთიანება დაფინანსდა 903,8 ათ. ლარი ხარჯების 4,7%-ი, ა(ა)იპ ლანჩხუთის საზოგადოებრივი ჯანდაცვის ცენტრის დაფინანსებაზე გაიხარჯა 122,5 ათ. ლარი ხარჯების 0,6%-ი, ა(ა)იპ ლანჩხუთის მზრუნველობამოკლებულთა უფასო კვებით უზრუნველყოფის დაფინანსებაზე გაიხარჯა 73,9 ათ. ლარი ხარჯების 0,4%-ი, სოციალური პროგრამების დაფინანსებაზე მიიმართა 335,9 ათ. ლარი ხარჯების 1,8%-ი, ლანჩხუთის მუნიციპალიტეტის ინფრასტრუქტურის ობიექტების დაფინანსებაზე გაიხარჯა 10418,7 ათ. ლარი ბიუჯეტით გაწეული ხარჯების 54,7%-ი. მათ შორის ნაპირსამაგრი სამუშაოებზე მიიმართა 2549.5 ათ. ლარი; გზების სარეაბილიტაციო სამუშაოებზე 3603,4 ათ. ლარი; ხიდების მოწყობის სამუშაოებზე 937,9 ათ. ლარი; არასაცხოვრებელი ბინათმშენებლობის (გრიგოლეთის ბაზა) სამუშაოებზე 370.3 ათ. ლარი; სკოლამდელი დაწესებულებებისათვის მშენებლობა რეაბილიტაციაზე მიიმართა 949.5 ათ. ლარი; წყალსადენის ქსელის სარეაბილიტაციო სამუშაოებზე 777,0 ათ. ლარი; ბიბლიოთეკის კაპიტალური რემონტის სამუშაოებზე მიიმართა 9.7 ათ. ლარი; საპროექტო სახარჯთაღრიცხვო დოკუმენტაციის შესყიდვაზე 143.1 ათ. ლარი; სოფლის მხარდაჭერის დაფინანსებაზე მიიმართა 817.1 ათ. ლარი; კეთილმოწყობის სამუშაოებზე მიიმართა 261.2 ათ. ლარი;

ლანჩხუთის მუნიციპალიტეტის 2015 წლის ადგილობრივი ბიუჯეტით დაფინანსებული შესყიდვების გეგმის ჯამი შეადგენს 547840 ლარს, ცენტრალური ბიუჯეტით დაფინანსებული შესყიდვების გეგმის ჯამი შეადგენს 10609672 ლარს. მოქმედი კანონმდებლობის შესაბამისად, მონეტარული ზღვარის გათვალისწინებით წლის განმავლობაში სულ გამოცხადებული იქნა 47 ტენდერი, არ შემდგარი

ტენდერების რაოდენობა შეადგენს 9, უარყოფითი შედეგით დასრულდა ორი ტენდერი. ტენდერების შედეგად მიღებული იქნა 2480520 ლარის ეკონომია. ინფორმაცია ტენდერების შესახებ ასახულია დანართი №1-ში. ტენდერის საშუალებით გაფორმებული იქნა 34 ხელშეკრულება. სულ 2015 წლის განმავლობაში სამსახურის მიერ გაფორმებული იქნა 355 ხელშეკრულება.

საქართველოს რეგიონებში განსახორციელებელი პროექტების ფონდის დაფინანსებით ლანჩხუთის მუნიციპალიტეტში შესრულდა 3917985 ლარის სამუშაო. სულ შერჩეული იქნა 21 პროექტი. წლების განმავლობაში მუნიციპალიტეტში ერთ-ერთ მნიშვნელოვან პრობლემად ითვლებოდა სუფსა- გულიანის დამაკავშირებელი გზა, რომელიც სრულიად მწყობრიდან იყო გამოსული. შეფერხებული იყო მოსახლეობის გადაადგილება, რაც მათ დიდ უკმაყოფილებას იწვევდა. პირველ პრიორიტეტად განსაზღვრული იქნა აღნიშნული გზის სრული სარეაბილიტაციო სამუშაოების ჩატარება. სარეაბილიტაციო სამუშაოების ღირებულება განისაზღვრა 4387030 ლარით. ელექტრონული ტენდერის შედეგების გათვალისწინებით სამუშაოებს შპს „სამკუთხედი“ ჩაატარებს 3000000 ლარად. პროექტი გარდამავალია და დასრულდება 2017 წელს. საბავშვო ბაღების მშენებლობა რეალიზაციის სამუშაოების ჩატარება განსაზღვრული იქნა ოთხ სოფელში: სოფელ მაჩხვარეთში, აკეთში, წყალწმინდასა და ჯურუყვეთში. სამუშაოები წარმატებით დასრულდა ოთხივე სოფელში და მოეწყო თანამედროვე ტიპის საბავშვო ბაღები. რვა სოფელში განისაზღვრა წყალმომარაგების სამუშაოების ჩატარება. სამუშაოები ჩატარდა ხარისხიანად. ყველა სოფელში მოსახლეობას წყალი მიეწოდება შეუფერხებლად. ქალაქ ლანჩხუთში, გვიმბალაურსა და მამათში ჩატარდა გზის შეკეთების სამუშაოები.

2015 წელს სოფლის მხარდაჭერის პროგრამით ლანჩხუთის მუნიციპალიტეტს გამოეყო 817447 ლარი. თითოეული სოფლის მიხედვით განსახორციელებელი პროექტები შერჩეული იქნა სოფლის საერთო კრებებზე. სამუშაოები ყველა სოფელში შესრულდა ხელშეკრულების შესაბამისად. 2014 წლის სექტემბრის თვეში მომხდარი სტიქიის შედეგების სალიკვიდაციოდ საქართველოს მთავრობის მიერ პირველ ეტაპზე სტიქიის გამოყოფილი იქნა 2000000 ლარი. გამოყოფილი თანხით 2015 წელს 48 ობიექტზე ჩატარდა გადაუდებელი აღდგენითი სამუშაოები. 2014 წლის სექტემბრის თვის სტიქიის შედეგების სალიკვიდაციოდ დამატებით გამოყოფილი იქნა 2600000 ლარი. საკრებულოს მიერ დამტკიცებული იქნა აღნიშნული თანხით შემდეგი პროექტების დაფინანსება: აკეთის ადმინისტრაციულ ერთეულში მდინარე სუფსაზე ნაპირსამაგრის მოწყობა, ღრმაღელის ადმინისტრაციულ ერთეულში, სოფელ წყალწმინდაში შიდა სასოფლო გზაზე სახიდე გადასასვლელის მოწყობა, შუხუთის ადმინისტრაციულ ერთეულში, გზის აღდგენითი სამუშაოები და სანიაღვრე არხების გაწმენდა მოწყობა და აცანის ადმინისტრაციულ ერთეულში ადმინისტრაციული შენობის უკანა მხარის დამეწყრილი მონაკვეთის და ამ მონაკვეთზე არსებულ საბავშვო ბაღთან მისასვლელი გზის რეაბილიტაციის სამუშაოები. აღნიშნული პროექტებიდან ორი, აკეთის ადმინისტრაციულ ერთეულში მდინარე სუფსაზე ნაპირსამაგრის მოწყობა და აცანის ადმინისტრაციულ ერთეულში ადმინისტრაციული შენობის უკანა მხარის დამეწყრილი რეაბილიტაციის სამუშაოები გარდამავალია. სამუშაოები დასრულდება 2016 წელს.

2015 წლის ოქტომბრისა და ნოემბრის თვეში მომხდარი სტიქიის შედეგების სალიკვიდაციოდ დამატებით გამოყოფილი იქნა 1050000 ლარი. გამოყოფილი თანხა სრულად იქნა ათვისებული 2015 წლის განმავლობაში.

2015 წელს ბუღალტრული აღრიცხვა-ანგარიშგების განყოფილების მიერ ხორციელდებოდა დებულებით გათვალისწინებული ყველა ფუნქცია. 2015 წლის 1 იანვრიდან განყოფილება ჩაერთო ხაზინის ელექტრონული მომსახურების სისტემაში. განყოფილებაში შემავალ თანამშრომელზე

გადანაწილებული იყო განყოფილების მიერ შესასრულებელი ყველა ფუნქცია. ყოველდღიურად ხორციელდება: შემოსავლებისა და ხარჯების ყოველდღიური აღრიცხვა, ლანჩხუთის მუნიციპალიტეტის სამსახურების მუშა-მოსამსახურეთა ხელფასების, პრემიების, სამივლინებო თანხების დარიცხვა და საბანკო ანგარიშებზე თავისდროულად ჩარიცხვა, საშემოსავლო გადასახადების ანგარიშების შედგენა და დადგენილ ვადაში საგადასახადო ინსპექციაში წარდგენა, მუნიციპალიტეტში წარმოდგენილი ანგარიშების შესაბამისად კომუნალური და სხვა გასაცემი თანხების მომწოდებლებზე თავისდროულად გადარიცხვა, მისაწოდებელი და მიწოდებული საქონლის, სამუშაოების, მომსახურების მოცულობის, ხარისხისა და მიწოდების ვადების სახელმწიფო შესყიდვის შესახებ ხელშეკრულების მოთხოვნებთან შესაბამისობის დადგენის შემდეგ და შესაბამისი ინსპექტირების ჯგუფის დასკვნით, გაფორმებული მიღება-ჩაბარების აქტების საფუძველზე მომწოდებელზე თანხის ჩარიცხვა, ბუღალტრული დოკუმენტების, აღრიცხვის რეგისტრების, ხარჯთანუსხების, მათი გაანგარიშების და სხვა საბუთების შენახვაზე კონტროლი და დადგენილი წესით მათი გარქივება, ბიუჯეტის შემოსავლების და გადასახდელების ყოველდღიური აღრიცხვა, რითვისაც ყოველდღიურად ვამუშავებდით ხაზინიდან მიღებულ ამონაწერს (ავიზოს), ვუზრუნველყოფდით ლანჩხუთის მუნიციპალიტეტის ბიუჯეტში ზედმეტად ან შეცდომით გადახდილი თანხების დადგენილი წესით დაბრუნებას, ლანჩხუთის მუნიციპალიტეტის ბიუჯეტის დაფინანსებაზე მყოფი მხარჯავი დაწესებულებებიდან საბიუჯეტო სახსრების ხარჯვის ანგარიშების (ბუღალტრული ბალანსების) მიღებას, შემოწმებას და ანალიზს, წარმოდგენილი ფაქტობრივად გაწეული ხარჯვის დამადასტურებელი დოკუმენტის (მიღება- ჩაბარების აქტი, ანგარიშ-ფაქტურა და სხვა) საფუძველზე საგადახდო დავალების მომზადებას გადახდის განსახორციელებლად. ხდებოდა მეთოდოლოგიური დახმარების გაწევა და კონტროლის განხორციელება საბიუჯეტო დაწესებულებებსა და მუნიციპალიტეტის გამგეობისა და საკრებულოს მიერ დაფუძნებული საწარმოებებსა და დაწესებულებების საბუღალტრო აღრიცხვა-ანგარიშების და მათთვის ბიუჯეტით გამოყოფილი სახსრების ხარჯვის დროს კანონმდებლობით დადგენილი პროცედურების სწორად განხორციელების საკითხებზე.

2015 წელს ბუღალტრული აღრიცხვა-ანგარიშების განყოფილების მიერ მიღებულია მუნიციპალიტეტის მიერ დაფუძნებული თერთმეტი არასამეწარმეო(არაკომერციული) იურიდიული პირის მიერ წარმოდგენილი ყოველთვიური შემოსულობებისა და გადასახდელების შესრულების ანგარიშების ფორმები, ჯამში 132 ცალი. აღნიშნული ფორმები შედარებული იქნა ა(ა)იპ-ების მიერ წარმოდგენილ წლიურ ხარჯთაღრიცხვებთან და მათ მიერ გაწეულ ხარჯებთან. ასევე 2015 წელს მიღებული იქნა 16 ცალი კვარტლური ანგარიშის ფორმა. ამჟამად მიმდინარეობს მუშაობა 2015 წლის წლიური ბალანსების მიღება-დამუშავებაზე. განყოფილების მიერ ხდებოდა ლანჩხუთის მუნიციპალიტეტის ბალანსზე არსებული და ხელშეკრულებით აყვანილი სატრანსპორტო საშუალებებზე საწვავ-საცხები მასალების მიღება-გაცემასა და ხარჯვაზე კონტროლი, სადაც საწვავის ჩამოწერა ხორციელდებოდა წარმოდგენილი გარბენილი კილომეტრების მიხედვით.

საფინანსო-საბიუჯეტო კომისიის თავმჯდომარემ დეპუტატმა ალექსანდრე სარიშვილმა ისაუბრა აუდიტის სამსახურის მიერ შესრულებულ სამუშაოზე და აღნიშნა რომ კერძო აუდიტორის მიერ არ მომხდარა არცერთი ა(ა)იპის შემოწმება და მან იხელმძღვანელა მხოლოდ ადგილობრივი აუდიტის სამსახურის მიერ მიწოდებული მასალებით, ასევე იგი არ ეთანხმება აუდიტის მიერ გამოთქმულ აზრს იმის თაობაზე რომ ბიუჯეტის ხარჯვითი ნაწილი 98% შესრულდა როცა 2015 ბიუჯეტის შესრულებამ ხარჯვით ნაწილში 100 % გადააჭარბა.

ლანჩხუთის მუნიციპალიტეტის გამგებელი ზაზა ურუშაძე განმარტავს რომ ლანჩხუთი არის მოწინავე მუნიციპალიტეტებს შორის სადაც შეიქმნა აუდიტის სამსახური,რომელიც საკმაოდ კარგად მუშაობს და შვიდი საქმე პროკურატურაშია გადაგზავნილი შესამაბისი რეაგირებისათვის. იგი ხაზგასმით აღნიშნავს რომ არ ეთანხმება მოწვეული აუდიტის მიერ დაწერილ დასკვნას,რომელიც თავის დასკვნაში წერს,რომ მუნიციპალიტეტის ა (ა) იპებში მნიშვნელოვანი დარღვევებია აღმოჩენილი.ასევე წერს,რომ ბიუჯეტი ხარჯვით ნაწილში 98% შესრულდა,მის სარეკომენდაციო ნაწილში წერს რომ შესაბამისი დინისძიებები არ არის გატარებული ამ ხარვეზების გამოსასწორებლად.

მუნიციპალიტეტის გამგებელმა აღნიშნა რომ ლანჩხუთის მუნიციპალიტეტის შიდა აუდიტის სამსახურმა 2015 წელს შეამოწმა მუნიციპალიტეტის დაარსებული 4 ა(ა)პი კერძოდ:ლანჩხუთის კულტურის დაწესებულებათა გაერთიანების მარიკა ორაგველიძის სახელობის სამუსიკო სკოლა“ ა(ა)იპ მუნიციპალიტეტის „კულტურისდაწესებულებათა გაერთიანების სამხატვრო სკოლა“,ა(ა)იპ ლანჩხუთის მუნიციპალიტეტის „სპორტული ცენტრი“ და ა(ა)იპ ლანჩხუთის მუნიციპალიტეტის საფეხბურთო კლუბი „გურია“.შემოწმების შედეგად არცერთ ორგანიზაციაში გარდა ა(ა)იპ ლანჩხუთის მუნიციპალიტეტის საფეხბურთო კლუბ „გურიას“ ფინანსურ დარღვევას ადგილი არ ჰქონია.რაც შეეხება ა(ა)იპ ლანჩხუთის მუნიციპალიტეტის საფეხბურთო კლუბ „გურიას“დანაშაული იქნა ჩადენილი კლუბის ფინანსისტის მიერ,რომელმაც 27.02.2015 წელს 2000 ლარი გადარიცხა დაუდგენელი პიროვნების ანგარიშზე, მასვე მარტის თვეში საკუთარ ანგარიშზე მივლინებისათვის და საქვეანგარიშოდ 2261 ლარი აქვს ჩარიცხული, რაზედაც არ არის წარმოდგენილი შესაბამისი დოკუმენტაცია, ანალოგიურად ჩარიცხული აქვს მის პირად ანგარიშზე თანამშრომლების ხელფასი თანხით 2710 ლარი. კლუბის ხელმძღვანელობის მიერ მოკვლეული მასალები შემდეგი რეაგირებისათვის გადაცემული აქვს გურიის რეგიონალურ პროკურატურას. კლუბიდან მიღებული ინფორმაციით, დობორჯგინიძის მიერ აღნიშნული თანხები შემოტანილი იქნა კლუბის ანგარიშზე. შიდა აუდიტის სამსახურმა 2015 წელს მათ მიერ ჩატარებული შემოწმების აქტების ელექტრონული ვერსია მიაწოდა ლანჩხუთის მუნიციპალური ბიუჯეტის აუდიტორული შემოწმების ჩამტარებელ შპს „Financial Experets Corporation“-ს, რომელმაც იხელმძღვანელა ამ აქტებით და მოიყვანა მის მიერ შედგენილ აქტში, რომ რაიონის მუნიციპალიტეტის დაარსებულ კერძო სამართლის იურიდიულ პირებში ადგილი აქვს მნიშვნელოვან ფინანსურ დარღვევებს და მუნიციპალიტეტის ხელმძღვანელობა არ ღებულობს შესაბამის ზომებს, რასაც კატეგორიულად არ ვეთანხმებით. რადგან ა(ა)იპ საფეხბურთო კლუბ ლანჩხუთის „გურიას“ შემთხვევაში გატარებულია მკაცრი ზომები.

ფრაქციამ მიიღო გადაწყვეტილება:

**განკარგულების პროექტი ფრაქციის წევრების მიერ მიღებულ იქნა შენიშვნების გარეშე
ფრაქციის თავმჯდომარემ, კახა ურუშაძემ კენჭი უყარა განკარგულების პროექტს:
მომხრე 10 ,წინააღმდეგი არცერთი**

სხვადასხვა

დეპუტატმა ელენე ნაჭყეზიამ დასვა საკითხი ქალაქის ცენტრში მდებარე უნივერსიტეტის ცუდი იერსახის დაფარვასთან დაკავშირებით და მისი თქმით იქნებ დაევალოს მეკატრონეს ელემენტარული ბილბორდის საშუალებით ამ ფასადის მოწესრიგება.

ამით ფრაქციის სხდომამ მუშაობა დაასრულა

ლანჩხუთის მუნიციპალიტეტის საკრებულოს ფრაქცია „ქართული ოცნება-დემოკრატიული საქართველოს“ თავმჯდომარე:

5. 

კახა ურუშაძე

ლანჩხუთის მუნიციპალიტეტის საკრებულოს ფრაქცია ქართული ოცნება-დემოკრატიული საქართველოს წევრთა დასწრების სარეგისტრაციო ფურცელი

25 აპრილი 2016 წელი
14.00 საათი

№	სახელი, გვარი	გამოცხადების დრო	ხელმოწერა
1	კახა ურუშაძე	13:50	კ. ურუშაძე
2	ბესიკ ტაბიძე	13:55	ბ. ტაბიძე
3	ალექსანდრე სარიშვილი	14:00	ალ. სარიშვილი
4	გიორგი ხელაძე	14:00	გი. ხელაძე
5	დავით ჩხარტიშვილი	14:00	დავ. ჩხარტიშვილი
6	ია ჩხაიძე	13:50	ია. ჩხაიძე
7	თეიმურაზ მარშანიშვილი	13:00	თ. მარშანიშვილი
8	ელენე ნაჭყებია	13:55	ელ. ნაჭყებია
9	თეიმურაზ ალექსაია	13:50	თ. ალექსაია
10	გურამ კერესელიძე	13:50	გ. კერესელიძე